

福建通志

第叁拾捌册
共壹百册

福建藝文志卷六十四

集部二

別集類十

挂劍集福清林古度著石遺室書錄云此本乃漁洋先生所錄康熙甲辰茂之攜其六十年之詩屬漁洋刪定漁洋序以爲少作具江左初唐之體後一變爲幽隱鉤棘之詞今所錄皆辛亥以前之作僅存百數十首施愚山歎真面目始出云蓋漁洋論詩喜清華而惡幽深故云爾也林茂之賦一卷林古度著李本寧序云茂之賦草九龍灘爲甲余讀之驚心動魄他小賦皆有潘謝之致陳繼儒序云醞釀風華詞鋒景煥宋比玉遺稿莆田宋珏著漁洋詩話云比玉善八分小詩亦工案比玉明末國子生及交漁洋入諸清

五湖遊稿一卷莆田余懷著石遺室書錄云澹心寄寓江寧此稿僅詩七十首皆遊嘉興之作首有自序一篇稱鴛湖自序又自號寒鐵近人

和敬堂文集十六卷詩集二十八卷閩縣黃晉良著吳偉業序云朗伯人
才清拔其於詩剪刻深秀不愧前人晉良字處安崇禎末諸生號東叟
井上述古六卷黃晉良著石遺室書錄云是編實詠史詩有自序言始周
宣王終廉希憲薛鎔序云玉井在丁戊山北百步

米友堂集四卷侯官許友著靜志居詩話云其篇章如俊鶻生駒未可施
其韞勒案友明末廩生錢牧齋吾炙集人選詩一二首獨友選十九首
許鐵堂詩鈔侯官許埤著張亨甫全集云天玉以詩名令安定流寓臨洮
卒其遺詩有張昞者宦茲土嘗刻之而未備龍溪鄭迪卿觀察出示臨
洮吳鎮選刻本稍備矣而編校錯陋余乃手錄其尤工者一百五十餘
首其氣骨沈警聲采壯麗蓋矯然能空依傍摹擬率易幽怪諸習特未
神妙自得耳周元亮謂其雍土邊塞之作尤工衍石齋記事續稿云天
玉之詩新城極稱其沈雄孤峭埤崇禎己卯舉人入清官知縣

南窗草存六卷福清薛鎔著石遺室書錄云鎔字子燮一字依南崇禎間

貢生甲寅闖寇起山海交訐鎔以重名却徵辟授徒自給林西仲先生序稱其一代史才抱道高隱凡吾里三四十一年間節義軼事有所聞知輒爲傳述卽其他所作序記及交遊往來書牘亦往往撫拾其所聞知反覆揚摧

蘭雪軒集三十卷侯官孫學稼著楊園初稿云集舊爲幼女誤燬僅得手編蘭雪軒詩目一帙佳題滿目凡國初遺老通人天下古蹟勝地強半而在自是旁求二十年會兄子鍾濂辛酉擢第歸解裝出巨帙示余則蘭雪軒集全稿具焉獨原目以體分是橐則以甲子次爲不同而卷帙之數則不異也狂喜叩所從得云從都下友人壑中見童子手是編詢之則乃祖宦閩中購書厨於市得之抽屨內者行閒丹鉛歷碌蓋顧寧人紀伯紫及吾鄉陳子盤曾擬菴諸公所先後論定亟從借鈔且曰今其原稿歸吾鄉一孝廉矣顧其中多闕行問之鍾濂云故帙中多有擘去者意或有所避也未幾鍾濂化去無從叩孝廉爲誰某矣近及門葉

生祐昌從書肆購舊書中夾殘葉視之則君實先生遺筆丹鉛宛在正所謂稿中擘去者其詩與題率大佳他無忌諱不解何以擘去

蘭雪軒詩鈔孫學稼著惕園初稿云聖湖先生集斷自順治十四年絕筆於康熙二十年詩二千餘首未梓懼復散軼乃錄所尤心醉者若干首其逸詩零落人間續拾得者別爲劍合篇先生友高雲客兆許介壽友陳仲桓騷皆老於諸生並有集雲客介壽名在天下仲桓獨不甚顯詩亦未行世而雲客集刻本近亦不易得謹錄所見一二併先生子蔚若起宗詩附於後

檐景齋詩四卷閩縣邵標春著石遺室書錄云標春字是龍又號雙丸逋客乙酉送陳克亨謁史道隣申青門二先生詩自注有云甲申秋予從陸岫青侍御提旅勤王與克亨相值建溪故篇中及之又有哭黃石齋師相七律蓋遺老也古詩簡老無枝葉今詩清婉可誦據自序皆斷自甲申以後之作

阮疇生詩同安阮旻錫著魏敬士文集云先生生於閩嘗師事峽江曾公
櫻曾公死於義先生遂頻年遠游抵吳越達中州涉齊魯燕趙之鄉庚
申夏先生攜其涉江燕山紀遊詩來訪家大人於羣微因屬家大人序
其集

天籟集三十卷續集長樂王穎如著道光通志云穎如邑諸生年十三從
董應舉遊鎮海樓倣王勃滕王閣序詩立就數千言語極壯麗

淳意齋遺稿長汀陳次弓著次弓名未詳託素齋文集云次弓爲人孝弟
不欺朋友稱詩者數十年又精楷書尺幅寸箋皆可寶重汀邑處萬山
中文章風氣之開至崇禎年間爲極盛與次弓同時者孝廉若水沈公
司訓叔夜楊公文學與叔胡公予從父文學振三公皆修文立行發前
人之所未有特當時無有聲勢氣力者爲之推挽前後故諸先生之遺
文不大顯於世

冷鷗堂集漳浦趙潛著閩遊詩話云潛一名炎字雙白諸生康熙中僑寓

雲間谷陽門外笏溪上顏其室曰西枝集二冊一曰蓐客一曰荔民蓐
客者流寓松江所作也五言如小雨桃花寺東風燕子村養花知月令
坐雨檢農書七言如孤客晚投紅葉寺一僧寒定白雲樓雅健可喜又
王鹿臯先生名道亦漳浦人曾爲金山令記其一聯云牆甫及肩山並
出月方當午客遲眠紀遺云潛句如萬里秋心全在菊一江雁影半隨
潮繞郭千山紅葉雨緣溪一道白蘋風紅橋綠舫空江路衰柳寒邨野
犢車小巷風高漁市散荒汀烟破估船開雁影度殘孤嶂雨雞聲啼滿
一江潮並佳案潛順治初廩生

簡齋詩集晉江蔡慶旺著案慶旺字于曾順治三年考授福州府教授遷
山西屯留令有政聲

蟲吟草詩將樂車耆奎著石遺室書錄云耆奎字含光蕭深谷集有序云
內悍無子孑然一身詩高老奇邁若昭君怨猛虎行枯魚過河泣野田
黃雀行諸作二百餘年無此矣耆奎號匏阿順治初貢生嘗讀書金溪

著作甚富

東山集二卷莆田林佳璣著蘭陔詩話云衡者少擅詩名有鸚鵡倚籠閒
說夢杜鵑對月憶前身之句爲人所傳誦閩亂遊吳越聞與姜如須吳
梅村金孝章朱錫鬯定交梅村贈詩云夾深草荒書滿屋連江人去雁
飛田後衡者客死連江人以爲詩識云案號履齋順治閒諸生

湖舫集燕來詩過霞集劍外編鐵螭詩羣音榕邸詩回雁草海魚編鐵崖
詩文集晉江林嗣環著鄧孝威云鐵崖罷瓊海觀察歸僑居西湖自號
徹呆子爲風流人士所宗詩多奧異不可讀案嗣環順治己丑進士

額外集小草堂集侯官謝天樞著閩詩傳云爾元居官有政聲孤介峭直
不可屈撓善古文詞渾涵幽雅尤恣於詩案天樞號星源順治辛卯舉
人

西莊集寧德崔從著榕城詩話云從十三能詩自號西竺村童古詩摹長
吉近體尤纖微憔悴有輿雨一絕云葉香亂打冷霏霏興夢尋秋雁影

稀烟雨滿溪行不了渡頭扶傘一僧歸舟行云春到江聲埽碧天漁舟不繫入孤烟開窗依舊山無雪水鴨呼寒宿柳邊又寒食五言云晨磬全瘖雨春繆半養烟案從字殿生順治八年歲貢官教授

雁唳篇一卷閩縣葉矯然著注韓居詩話云思庵詩五言取法魏晉七言亦饒有氣力所著龍性堂詩話謂作詩須生中有熟熟中有生又謂作詩高手首在鍊意而格調次之又謂予最喜昌黎長吉義山子瞻四公詩閒有所得輒標識於上其生平命意可見矣案矯然順治壬辰進士意山堂詩集莆田楊夢鯉著蘭陔詩話云南叟宰青陽羣盜夜劫之挾弓而出射殺數人盜驚駭散去歸田後囊橐蕭然賣文自給詩集散佚僅存五律一帙乃石璞澹崖二長老所輯者案夢鯉順治壬辰進士紀遊全詩長泰葉先登著注韓居詩話云吳庵所著詩有公車燕臺西征東征南歸倦飛島上系欬生還等稿案先登順治壬辰進士

曹子復詩集閩縣曹夢善著余甸作序云辛卯避暑塔湖精舍數與子復

曹丈游讀其詩氣味在韋柳皇甫冉曾聞曹丈爲雁澤先生嗣

汝南集閩縣鄭燝新著榕城詩話云燝新閒居云閒居何所適開卷有深情水性原宜淡花心故喜晴曠觀雲入定幽夢草初生忽聽簾前鳥聲聲解不平案燝新順治閒辟爲員外郎

蔣克平詩文集閩縣蔣衡著閩詩傳云克平研窮義理發於文章苦心衛道誘造來學案衡順治閒諸生

叢桂堂草閩縣馬良翰著注韓居詩話云卧南善八分篆隸詩亦澹蕩無塵俗氣案良翰順治閒布衣

紫藤花庵詩鈔一卷侯官許遇著注韓居詩話云月溪工松梅竹石受詩於新城王貽上貽上嘗題其畫竹許侯磊落負奇氣平生節目堅蒼簣石林手種竹萬个興來自寫千篋當子鼎均皆工詩左海文集云許不棄紫藤花庵集從其家索借一卷乃游粵時家山雜憶詩百餘首此外渺不可得滄浪亭游讌之作未由搜訪矣案遇順治閒貢生官知縣友

子

馥餘詩集洪江社集侯官林崇孚著曹學佺序云介山少年豪儁以命世
自負其詩韶秀清爽率如其人案字永中順治閒以薦官惠州知府
還拙堂詩集侯官劉曰章著閩詩傳云君閩性直而行嚴學優而才博精
二王筆法詩文深雅諧性情之正案曰章順治閒諸生

浪谷詩燹侯官林曰毅著沈心齋云浪谷詩經營刻苦不屑一語寄人籬
下案曰毅字君肅順治閒諸生續通志以爲其父榮芬著誤

飲綠詩草侯官林中芝著汪韓居詩話云紫巖曾孫芳嘗述紫巖讀書道
山故人薛桐溪官通政一夕忽相思晨卽命駕遠涉五十餘里旣見旋
返其僦儻如此案中芝順治閒諸生

甚麼堆詩一卷侯官陳星義著案星義字逸甫隱於縫工力食養母里郇
稱之

漁村詩文集四十卷廣伐山集四卷籠鸚集八卷連江陳元登著案元登

字龍淮鶴鳴子以氣節自持工書畫其詩歌古文詞類多感慨

西江日譜二卷永福黃璫著石遺室書錄云璫字基玉號愚長文煥孫卷首又載叔虞稷蓋文煥在南都與虞稷父居中友善又同姓故也自序稱前適豫章往反俱在秋冬之際景愈佳興愈遠日記數語系以詩題曰西江日譜大概詩皆長題百十字直是遊記登滕王閣一首最長至千百字詩頗幽咽上卷爲自白下至章貢下卷由章貢返白下而末首題稱到家殆以流寓白下故据道光志璫順治閒薦辟官至僉事但以爲文煥子與麟峰黃氏家譜不合

涑亭詩略一卷莆田林堯光著四庫全書總目云堯光字覲伯順治中以選拔貢生官行人司行人近鄭王臣選莆風清籟集謂堯光伯仲詩各臻妙境而堯光尤秀拔當爲馬氏白眉然所作頗涉纖麗於元人蹊徑爲近

秋樓集二十二卷西苑集一卷莆田林賓王著蘭陔詩話云穆之送友遊

雲中詩有先朝綺麗三千戶往事淒涼十六州爲人傳誦王阮亭序其集刻之案賓王順治閒諸生

白舫詩集二卷莆田郭鳳喈著蘭陔詩話云友曰有潔癖愛苦吟古體沈鬱頓挫似元道州近體情景清切似岑嘉州友人張翼汝梓其集以傳案鳳喈順治閒諸生

白桃庵集莆田黃轍著蘭陔詩話云聘侯嘗爲酷吏所誣已赴西市有貴人援之得免其書法出入黃米詩格亦蒼老案轍順治閒諸生

嘒嘒堂詩集十卷樗軒賦二卷莆田林鳳儀著道光通志云鳳儀字少威號樗軒順治閒諸生與從叔嵎從弟向哲相切劘嘗以詩謁黃道周道周謂嵎有二姪猶王之養矩謝之覽舉也

四近堂集莆田鄭仁質著林少威云季重蒐羅載籍作閩風十首包括總攬有一唱三歎之音案仁質順治閒諸生

醉烟集莆田蘇承武著蘭陔詩話云賡榮好苦吟務幽僻蓋奉竟陵爲金

科玉律者案承武順治閒諸生

甌離子集十二卷莆田林向哲著道光通志云一作玉巖閣十二卷未知同異向哲字君十詩學杜得其神似後出遊燕薊詩益雄所著作從子楨梓而傳之

問山堂集十卷晉江丁煒著安序堂文鈔云雁水先生筮仕燕豫回翔郎署按節贛南鬱孤之閒所歷名山大澤廢壘荒祠與其故鄉珍禽奇樹之觀丹青琬刻之異皆一一於文發之更工於有韻之章鈍翁錫鬯諸公已序述而揚挖之鈍翁續稿云大篇短章閒見層出訇然如鍾呂之鳴煌然如藻火之麗洵乎其爲詩人之雄也曝書亭集云其詩直者不伉綺者不靡約言之而可思長言之而可歌斯善學唐人者矣魏季子文集云吾讀雁水先生文集見其政事焉白茅堂集云爲文本於天而成於學記序碑志諸作在近代與青田金溪埒他非所及漁洋詩話云丁雁水五言佳句頗多如青山秋後夢黃葉雨中詩鶯啼殘夢後花發

獨吟時花柳看憔悴江山待祓除皆爲可吟案雁水有閭山文集八卷
問山詩稿涉江集各一卷順治閒由薦辟起家

何中岳詩文集惠安何中岳著道光通志云中岳順治閒諸生工詩文爲
理刑王仕雲推重

教忠堂遺稿安溪李兆慶著道光通志云兆慶字賴甫順治閒貢生兄弟
六人皆力學著聲

晚簾集七卷龍溪陳箴著四庫全書總目云箴字于寶是集文三卷詩四
卷前三卷分體後一卷則不分體蓋續刻也其古文多雜偶句不古不
今詩頗澤於古而不能得其格律蓋刻意有爲而限於無師者也託素
齋文集云績學多聞名滿天下案箴順治閒拔貢官連城教諭

趨庭集漳浦侯烜著魏惟度云烜早慧以詩名從乃祖晉水先生令涇江
舟過鄱陽望廬山有句爲時歎賞案烜字薇卿順治閒神童

望歲莊集南平施中著黃晉良序云延平高士施子雲倩與予爲道義交

別面十載至相與留連晨夕因得讀其望歲莊全詩孤高絕俗當漱茗
液盈斗以滋其雋永非世俗之所知也案中順治閒諸生

田閒施先生詩施中著蕭深谷序云由延津西上二百里江村曰吉田
故明侍御九峰胡先生實生其地所傳黠淡灘猿洞西芹諸作皆近世
詩人所罕後百餘年而其里人田閒施先生殆欲駕而上之

西湖集將樂王言雅著案言雅字元度順治閒諸生少以淹博聞年二十
餘隨父宦杭州著西湖集行世

雪僧詩稿一卷浦城潘遠著案遠字靜致一字雪生少以詩名老逃於禪
因號雪僧

五雲居詩集泰寧謝韓著案韓字穉圭順治閒諸生嘗收葬畫網巾先生
主僕遺骸樹碑墓所歲以斗酒隻雞酹之

西湖十詠友聲集長汀王竑著案竑字廣生工詩畫與寧化李世熊江西
魏禧皆有贈答

幻樓草二卷北山草二卷寧化雷動化著李兆熊序云震敷善爲清夷澹渺之音高老近陶次亦幾於王儲韋孟案動化順治間貢生

不借看訪集福安陳王道著案王道字純之順治間貢生時福寧海氛未靖學使者欲令士至福州彙試王道呈請云固知禮無往教嘗聞聖亦周流學使大加歎賞爲之卽行

浣亭詩略二卷浣亭歸來吟一卷附山蘊花堦長短句一卷莆田林堯華著四庫全書總目云堯華字開伯順治甲午舉人官榆次縣知縣浣亭詩略皆早年所作歸來吟皆罷官以後所作長短句則附載其詞也其詩編次頗爲叢雜如詩略中有詠園花十四首歸來吟中有詠園花四首而其中酴醾一首一字不易其詩才氣雋爽早年刻意雕鐫未造渾成晚年又頗涉顏唐縱筆太早其詞有南宋格意而罕睹新聲亦擬議而未變化

澹亭詩略澹亭偶存莆田林堯英著蘭陔詩話云王阮亭選燕臺十子詩